

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

圖書編卷之三十三

南昌後學章潢本清齋編

都邑總叙

建邦設都皆馮險阻山川者天之險阻也城池者人之險阻也城池必依山川以為固大河自天地之西而極天地之東大江自中國之中而極中國之東天地所以設險之大者莫如大河其次莫如大江故中原依大河以為固吳越依大江以為固中原無事則居河之南中原多事則居江之南自開闢以來皆河南建都雖黃帝之都堯舜禹之都於今皆為河北晉皆為河南大河故

哈佛大學漢和圖書館珍藏印



道自碣石入海碣石今年州也所以幽薊之邦冀都之地皆河南地周定王五年以後河道埋塞漸移南流至漢元光三年徙從頓州入渤海今濱滄間是也成周以來河南之郡惟長安與洛陽或逾河而居鄴○非長久計也漢晉以來江南之都惟有建業或據上流而居江陵武昌者亦非長久計也是故定都之君與議都之臣惟以此三都爲最此三都者皆以江河之險阻爲可恃也舍此則唐末博士朱朴遷都疏云去已棄之衰就未王之王有取于襄鄧之間是或一道若止信在德不在險如宋都汴梁一無足恃易曰王公設險以守其國獨不可信乎

歷代帝王所都

大昊伏羲氏今陝西鞏昌府秦州人都河南陳州

炎帝神農氏今湖廣德安府隨州人都陳州徙山東曲阜

黃帝軒轅氏今陝西中部縣人都涿州

少昊金天氏今陝西秦州人都曲阜

顓頊高陽氏都今河南開封府杞縣

帝嚳高辛氏都今河南開封府偃師縣

帝堯陶唐氏都今山西平陽府

帝舜有虞氏今山西蒲州人都今山西平陽府

夏禹王今四川成都人都今山西平陽府安邑縣

商湯王都今河南歸德州契初封商後世遷亳西亳湯遷南亳故名曰般仲丁遷亳

河亶甲遷于相祖乙遷于耿至盤庚復都南亳紂居于朝歌

周武王今陝西岐山縣人都今陝西西安府咸陽縣

秦始皇都咸陽

漢高祖皇帝今直隸徐州沛縣人都今陝西西安府長

安縣

漢光武皇帝今湖廣棗陽縣人都洛陽 西晉都洛

宋齊都建康 今應天府

唐太宗皇帝今陝西單陰縣人都西安府徙洛陽

宋太祖皇帝今河陽人都開封府 高宗徙都臨安今杭州府

元世祖皇帝蒙古人都燕京

明太祖高皇帝 都金陵今南京應天府

成祖文皇帝 都燕今京師

輿地都會總考

須彌山是大地骨中鎮天心爲巨物如人背脊與項梁
生出四枝龍突兀四枝分出四界南北東西爲四派西
北崆峒數萬程東入三韓隔杳冥惟有南龍入中國胎
宗孕祖來奇特黃河九曲爲大腸川江屈曲爲膀胱分
枝劈脈縱橫去氣血勾連逢水住大爲都邑帝王州小
爲郡縣居公侯其次偏方小鎮市亦有富貴居其地與
君畧舉大形勢舉目一望皆山河天下江山幾萬里我
見破軍到處是祿存支曲輔弼生低小山形總相類只有
高山形象殊畧舉大綱與君議崑崙山脚出闡顏隻隻

都是破軍山連綿走入瀚海北風俗強悍人粗頑生兒
三歲學騎射骨硬剛方是此間山來隴右尖如削盡是
狼峰更高卓此處如何不出文只爲峰多反成濁高山
大嶺峰多尖不似平原一錐卓行行退卸大散關百二
山河在此間大纏大護到函谷水出黃河如玦環低平
漸漸出熊耳萬里平洋漸如砥大梁形勢亦無山到此
尋龍何處是若無河流與淮水渺渺茫茫不見山河流
坤決俱斷絕又無石骨又無脈君若到此說星峰一句
不容三寸舌黃河在北大江南兩水夾行勢不絕行到
青齊忽起峰兗州東嶽插天椎分枝劈脈鍾英氣聖賢

多在魯邦中自古英雄出西北西北龍神少人識南龍
 高枝過葱嶺黑鐵二山雪峰盛分出秦川及漢川五嶺
 分枝入桂蓮山行有斷脈不斷直至江陰大海邊海門
 旺氣連閩越兩兩水夾相交纏北走海門南繳絡貨財
 文武相交錯請君更將舊地覆狼星乳頭巨鈐局外懸
 京師多平洋也有城邑在高岡淮甸州縣在水尾蕪峽
 山嶺是城隍隨他地勢看高下不可執一拘攣也千萬
 隨山尋穴形此說斷能辨真假冀州壺口洛低下蓋緣
 輔弼為垣馬太原落處尖似鎗木頭兩銳也蓋緣蕪破龍最
 長建康洛在坡平洋蓋緣輔弼星為體太垣平垣古戰

垣照耳為龍星可詳長安帝垣星外峙巨武山龍生出
 勢京師落在垣局中狼星夾出巨門龍太行走入河中
 府入晉連生六七存入晉雖然只是山落處却在回環
 間此與鍋鈐無以異只在大小識形難古人建都與建
 邑先尋垣伏識龍關升虛望楚與陟嶽此是尋垣與山
 面降觀于桑與降原此是尋伏下平田度其多陽揆以
 日南北東西向無失乃陟南岡景與京此是望穴識龍
 形相彼此泉觀水去涉彼薄應觀水聚或涉南岡與下
 原是尋垣伏非苟然吉人卜宅貴詳審經旨分明與後
 傳

朱子曰冀都是正天地中間好个風水山脈從雲中發來雲中正高脊處自脊以西之水則西流入於龍門西河自脊以東之水則東流入於海前面一條黃河環繞右畔是華山聳立爲虎自華來至中爲嵩山是爲前案遂過去爲泰山聳於左是爲龍淮南諸山是第二重案江南諸山及五嶺又爲第三四重案○堯都中原風水極佳左河東太行諸山相繞海島諸山亦皆相向右河南直至泰山湊海第二重自蜀中出湖南出廬山諸山第三重自五嶺至明越又黑水之類自北纏繞至南海○河東地形極好乃堯舜禹故都今晉州河中府是也左

六多山黃河繞之嵩華列其前○河東河北皆繞太行山堯舜禹所都皆在太行下○太行山一千里河北諸州皆旋其趾潞州上黨在山脊最高處過河時便見太行行在半天如黑雲然○上黨即今潞州春秋赤狄潞氏即其地也以其地極高與天爲黨故曰上黨上黨太行山之極高處平陽晉州蒲坂山之盡頭堯舜之所都也河東河比諸州如太原晉陽等處皆在山之兩邊窠中山極高濶伊川云太行一塊石山後是忻代諸州泰山却是太行之虎山或問平陽蒲坂自堯舜後何故無人建都曰其地磽瘠不生物人民朴陋儉嗇故惟堯舜能都之後

世侈泰如何都得○前代所以都關中以黃河左右旋繞所謂臨不測之淵是也近東獨有函谷關一路通山

東故可據以為險又關中之山皆自蜀漢而來長安而

盡他錄作關中之山皆自西而來若橫山之險乃山之極高處橫山皆黃石不生草

木東南論都所以必要都建康者以建康正諸方水

道所湊一望則諸要害地都在面前有相應處臨安如

入屋角房中坐視外面殊不相應武昌亦不及建康然

今之武昌非管之武昌吳都武昌乃今武昌縣地勢迫

窄只恃前一水為險耳鄂州正今之武昌亦是好形勢

上可以通關陝中可以向許洛下可以通山東若臨安

進只可通得山東及淮北而已 天下之山西北最高

自關中一支生下函谷以至嵩少東盡泰山此是一支

又自蟠冢漢水之北生下一支至揚州而盡江南諸山

則又自岷山分一支以盡乎兩浙閩廣 夫凡兩山夾

行中間必有水兩水夾行中間必有山江出岷山岷山

夾江南岬而行那邊一支去為江北許多去處這邊一

支為湖南又一支為建康又一支為福建二廣 岷山

之脈其一支為衡山者已盡於九江之西其一支又南

而東度桂嶺者則包湘源而北經袁壇之境以盡於廬

阜其一支又南而東度庾嶺者則包彭蠡之源以北盡


於建寧其一支則又東包瀾江之源而北其巔首以盡會稽南其尾以盡乎閩粵也。仙霞嶺在信州分水之右其脊脈發去爲臨安又發去爲建康。江西四山皆自五嶺贛上來自南而北故皆逆閩中却是自北而南故皆順。閩中之山多自北來水皆東南流江瀾之山多自南來水多北流故江瀾冬寒夏熱。荆襄山川平曠得天地之中有中原氣象爲東南交會處耆舊人物多最好卜居但有變則正是兵交之衝。蔡伯靖言山來同而末異水本異而末同。西北地至高地之高處又不在于天之中。地有絕處唐太宗收至骨利幹直堅昆都山其地夜易曉夜亦不甚暗蓋當地絕處日影所射也其人髮皆赤至鐵勒則又北矣極北地之人甚少所傳有二千里松木禁人砍伐此外龍蛟交雜不可去。通鑑有人適外國夜熱一羊腓而天明此是地之角尖處日入地下而此處無所遮蔽故常光明及從東出而爲曉其所經遮蔽處亦不多耳。問周公定豫州爲天地之中東西南北各五千里今北邊無極而南方交趾便際海道里長短負殊何以云各五千里曰此但以中國地段四方相去言之未說到極邊與際海處南邊雖近海然地形則未盡如海外有島夷諸國則地猶連屬

彼處海猶有底至海無底處地形方盡周公以土圭測
天地之中則豫州爲中而南北東西際天各遠許多至
於北遠而南近則地形有偏爾所謂地不滿東西禹貢
言東西南北各二千五百里不知周公何以言五千里
今視中國四去相去無五千里想他周公且恁大說教
好看如堯舜所都冀州之地去北方甚近是時中國土
地狹想只是畧羈縻至夏商已後漸漸開闢如三苗只
在今洞庭彭蠡湖湘之間彼時中國已不能到三苗所
以負固不服

東萊呂氏曰關中是形勢之地洛是都會之中欲據形
勢須都關中欲施政令須都洛

九峰蔡氏曰河北諸山一脊脈皆自代北寧武嵐憲
諸州乘高而來其脊以西之水則西流以入龍門西河
之上流其脊以東之水則東流而爲桑乾幽冀以入于
海其西一支爲壺口太嶽次一支包汾晉之源而南出
以爲析城王屋而又西折以爲雷晉又次一支乃爲大
行又次一支乃爲恒山此大河北境之山也其江漢南
境之山則岷山之脈其北一支爲衡山盡于洞庭之西
其南一支度桂嶺北經袁筠之地至德安之敷淺源二
支之間湘水間斷衡山在湘水西南敷淺源在湘水東

唐虞冀都之圖



北孔子以為衡山之脈連延而為數淺源者非也
 臨川吳氏曰天下之山脈起於崑崙山脈之所起即水
 源之所發也水之發自崑崙者其源為最遠惟中國之
 河為然漢之發原於蟠冢江之發原於岷山以西視他
 水亦可謂遠而非極於山脈初起之處則不得與河源
 並也故天下有原之水河為第一古人祭川先河後海
 重其原也

冀州龍脊堰黃河不得直趨入海橫之中國遠達冀州西南東蓋河以龍堰而曲流龍以河遠而截住夾身則左有小東河右有西恒水南有小南河攔截於內而大河經之龍將焉往其他撓掉手足得無名之水界畫分明者不可以數計但眼目難檢點墨楮難以描畫今姑舉其堂局形勢可知而知也

發揮曰冀州分崑崙之左脈綿亘萬里之玄屈曲出夷入貊始回中國而盡於冀州古之帝王其興也以德而不以力其守也以道而不以地堯舜聖人承襲授受揖讓相遜亦未必慮及風水然聖人之興自合造化

折作自爲法則風水固不拘而密協于龜卜即天地造化設之自然故易曰王公設險以守其國此理固先天地而有即風水之攸始矣或曰正緣聖人畧於風水冀都要未是大地去處若都於內河之外大河之內如何予曰如此却不合法度冀都如舌西南東三面之地如齒若舍舌而以齒門爲可安排之地其說謬矣中心一舌橫六百餘里自恒山至小河八百餘里而西恒水小東河小南河之外其地自西而南自南而東自東北而止於海此一大勾股曲遶中舌正護龍也此護蓋自本身分出者耳常人眩於目前則內外之地在大河之內


者方千餘里宜其茫不可見也

玉髓經

魏莊渠曰大地之脈咸祖崑崙而南北二絡最大大河出崑崙東北墟屈而東南至積石始入中國此天下大界水也北絡發於崑崙之陰折而東南行其背為北狄其面為中國而其餘氣為東夷北狄廣漠萬里龍氣粗頑其性殺伐陰山橫亘千里固所以限華夷也控御北陸要害在此東夷氣散而知慕禮義世為不侵不叛之臣正面向中國者其中結為冀都其左結為燕京冀都則恒山發祖龍脈若從天降下為平陽而大河三面環遶以絕龍氣天文北極不動而衆星拱焉冀都正北南

而以臨天下上應薇垣此第一都會也堯舜禹由是興而後世德薄弗能都矣其地表裏山河而四旁多阻朝貢轉輸弗便後世人主垂裳無為能如古之人乎吾恐不能矣儉嗇無欲能如古之人乎吾氏以後廢而莫都冀北邊狄堯舜盛德遠覆此郵皆為要荒後世詎能及也北絡極於幽燕而大河至此入海與鴨綠會東夷為其下沙此山水一大交會也其北崇岡于疊而其前平夷千有餘里泰山聳于南誠國家萬年之冀也但河徙而南氣不交固今其勢且北以害於漕河則障之使南况國家北都燕而遠漕江南粟

周營洛邑之圖



民力易罷地則有遺利矣以漕河故多逆水性大河淮
 濟皆拂經是于天時人事無乃有未盡乎桑田之變碣
 石入淪海中中國水口不固世道升降天人固相孚也

周洛邑乃飛龍格勢，手脚本自分明，迎送却從外假合也。凡大地皆取諸外，而不取諸身，所謂本身脚手一屈曲，縈迴輒五六十里，或七八十里，故人不見其爲脚手也。况遠外迎送，其得見乎？

發揮曰：凡大地必有關攔，其規模愈大，則堂局愈闊，堂局愈闊，則關攔愈遠。故冀州關攔迺在碣石，長安關攔迺在荆山，洛邑關攔迺在太華，蓋如荆山、太華等山，動占據百千里，而手脚支派皆有風水。大地非孤然一山之比，碣石亦有石山，綿亘在海，其深無底，人不能見，所可見者，山上之石，如婆婆娑之樹耳。滄海揚塵，陵谷變遷，

寧有此理。此冀以夷狄之迫，風水之變，河溢之患，而不可都洛以封建之，罷獨守之難，而不可都惟長安天險實爲金城之固，天運周流，何能復覩漢官威儀也。

魏莊渠曰：南絡發於崑崙之東，委蛇南行，其背爲西戎，其面爲中國，而其餘氣爲南蠻葱嶺，自起爲祖，南起雪山，其東爲江源地脈，因界爲二江，以南仍爲南絡，其北別爲中絡，與大河分爲兩界，中絡岷山爲祖，自蜀入隴，結于祈龍，則爲長安，四塞以爲固，金城千里，天府之國也。結於中龍，則爲洛陽，風雨之所會，陰陽之所和，天地之中也。南絡傳大江放於海，北絡傳大河放於海，惟中

絡止於嵩高其前平夷凡幾千里而泰山特起東方張
 左右翼為障以天下大勢言之長安龍首穴也洛陽龍
 心穴也茲其大龍之腹乎古之神聖多起於東土宋都
 大梁亦在龍腹而國勢弱者汴垣無備其勢必重兵民
 力坐而困矣余嘗至洛陽相其形勢熊耳祖龍發自終
 南遠則太行為後托進則嵩高為左障然終南自為長
 安前朝太行亦為平陽左障嵩高雖迴障洛陽而大情
 自欲東出與萬里平原作祖然後默識天道之公大地
 相為勾連其融結非一處王氣發久而歇又轉而之他
 帝王有德而興無德而亡世不一姓宇宙所以無窮也

秦都咸陽之圖



秦都咸陽非長安之正以宮屬渭跨渭爲飛橋複道以象天闕道而屬阿房如驪山溫泉又長安之支龍也長安之下則有岐梁荆諸山爲托澧涇漆沮河水界限爲衛以高臨卑百二之固沃壤千里可以積儲此秦所以能併吞六國至今爲天府也

發揮曰咸陽之地龍合之玄格左右前後諸山包護天造地設以爲大城郭而渭水浸漑地高而田衆今長安又在咸陽之左乃得其正即咸陽舊基則接龍者也即長安今址則盡龍者也其龍則發於崑崙經回黑水綿絡正河橫山始起祖宗轉縈滎澤自西而東盡于雍州

之地此易所謂天險不可升地險山川丘陵王公設險以守其國者然耳洛邑居天下之中爲大龍之腹四望平夷近則熊耳居其右取諸遠則上洛在其西太華在其東終南惇物在其北內方則在河南周公所取制天下之中耳猶腹爲人身都會之所也以水而言則洛水自西而經其前纏澗界其東汾水黎水遶其後伊水陳其西面如平洋無蔽有德者易以興無德者易以亡如以風水言之則灑澗伊洛界限分明其進迭護衛不敢諸身而取諸外耳但今之洛陽非周之洛邑亦非周居頑民之洛陽居頑民在洛水之陽伊水之地東都洛陽

在河南又隔伊水周洛邑最合風水法度後人不敢居者周家封建諸侯東西南北皆我守衛侯國城而後能及於周故以秦之強又以無道行之不滅六國周不可併也後世罷封建而制郡縣所守皆湏自備故力有不及則難於守若立國於河南有諸水在後而地方之備差完然終不如長安可恃今之西京即周公所卜澗水東纏水西而墨食者亦可立京畿之地蓋下有太華一臂力量甚重洛邑則又添得西京一臂也然無太華亦

非京邑之地

玉髓經

武夷熊氏曰雍州秦地周之岐豐鎬京漢之三輔皆此焉婁敬謂金城千里天府之國合天下形勢言之秦得百二實以據地勢之上游當天下之要脊四塞以爲固全一面之險以東制諸侯故言定都必先焉但其地迫近戎狄周秦漢唐世有戎患必盡陰山唐二安降城靈夏河西五都爲塞乃可爾

冀都規模大勢

北距長城依山為塞



古者京畿為歷代帝王所都得名於萬世者莫如冀州其
 次莫如秦雍其次莫如洛邑今洛陽非周洛邑也冀州
 之地右則西河左則東河前則南河逾河而為壺口近
 河而為單懷入河而為衡漳以古都言之則三面距河
 一面背山其發龍於崑崙兩尖盡于此所背恒山相距
 甚遠透迤而下其平如砥廣千里其手足橈棹之可
 見然夾水之外皆有名山巨鎮迎送護衛但堂局寬闊
 非凡俗所能檢點耳

玉髓經

京畿之地在虞氏為幽州城在禹貢為冀州城黃帝都

幽州之涿鹿堯舜都冀州之蒲坂我

成祖遷都於燕京蓋復黃帝堯舜之故都於千八百年之後左環滄海右擁太行北枕居庸南襟河濟形勝甲乎天下蘇秦所謂天府百二之國杜牧所謂王不得不王之地也

帝都總論

已上建都之地其槩如此唐虞之都以河溢爲患周洛邑以備守之難大梁平夷無險臨安僻處一隅金陵形勝雖優而垣氣多泄兩淮龍氣大盡而地勢卑下東魯中幹最尊而已鍾孔聖且今河水穿龍皆非建都之宜他如武昌成都等處則又不足論矣故惟我

京師爲上而關中次之東漢所都之洛又次之餘非愚之所能知也雖然在德不在險聖帝明王皆以道化天下未必恃其地之美而已焉史記魏武侯浮西河而下中流顧謂吳起曰美哉山河之固魏國之寶也起對曰在德不在險晉三苗氏左洞庭右彭蠡禹城之桀之居左河濟右太華伊闕在其南羊腸在其北湯放之紂之國左孟門右太行恒山在其北大河經其南武王殺之若不脩德舟中之人皆敵國也武侯善之愚謂君子不以人廢言起雖不足道若斯言者誠亦確論苟不以德則秦隋亦嘗都雍之關中金元亦嘗都冀之燕京矣風水

圖書編 卷三十三
之美形勝之固何獨不驗於彼哉是故形勝風水之說在於地固有國者所當擇而禍福得喪之機存乎人尤有國者所當脩省矣

洪武初御史胡子祺上書請都關中其略曰天下形勢之地可都者四河東地勢高厚控制西北堯嘗都之然其地苦寒江淮士卒不便汴梁襟帶河淮宋嘗都之然其平曠無險可守洛陽周公嘗卜之周漢嘗遷之然嵩邱諸山非有殺囚終南之固瀍澗伊洛非有涇渭灞澇之雄故惟關中據百二山河之勝可用以建都者莫此若也

王長安曰自古中原無事則居河之南中原多事則居河之北自然之勢也成周以來河南之都惟長安洛陽江南之都惟建康其次則有襄鄧唐朴之議曰襄鄧之西夷漫數千里其東則漢輿鳳林爲之關南則荆潭環屈而流屬於漢西有上洛重山之險北有白崖聯絡誠形勝之城沃衍之墟若廣陵河渠漕輓天下可使大集此建都之極選也雖然皆未有燕冀之形勢豈非天遺其勝以貽我

朝萬世帝王之業乎

周諸侯國都

魯都曲阜

魯本少皞摯居之謂之少皞之墟又大庭氏居之魯于其上作庫故為大庭氏之庫至周

成王以周公之功而封伯禽於此其地本名魯乃齊都作都於曲阜宋祥符中改曲阜為仙源今隸兗州

薄姑遷於營丘

齊本顓頊之墟營丘今臨淄薄姑亦謂之蒲姑在其西北

宋都商丘

杜預云宋國睢陽縣按睢陽隋改為宋城本陶唐氏之火正伯氏之墟相土因之武王伐紂封武庚于即武庚叛成王後之改封紂兄微子啓于宋以為商後故謂之商丘

衛都朝歌及懿公為狄

所滅宋桓公迎衛之餘民渡河立戴公以廬于曹後齊桓公城楚丘而居文公焉至成公又遷於帝丘

朝歌故城在衛

縣西二十里本紂故都曹亦作漕今滑州白馬是也楚丘今澶州成武帝丘本顓頊之墟故曰帝丘夏昆吾氏居之今澶州鄭都本西周畿內之地周宣王以封毋弟桓

公友及幽王有犬戎之變鄭武公遂遷於濟洛河穎之

間謂之新鄭

故鄭今華州鄭縣新鄭即今之滎陽

晉都唐謂之夏墟大名

也本堯所都謂之平陽成王封毋弟叔虞於此初謂之

唐其子燮立始改為晉以有晉水出焉其地正名翼亦

名絳而平陽者是其總名及昭侯立封其叔父于曲沃

後武公滅翼遂有晉都至景公遷于新田

唐今定州唐縣平陽今絳

州翼今絳州翼城曲沃今絳州縣新田一名絳今絳州縣楚都丹陽成王封熊繹以

子男之田至熊達始盛強僭稱王遷都于郢昭王為吳

所滅遷于邲楚本立荆至成王頹始改號楚

丹陵今江陵枝江縣

郢江陵縣北十餘里郢今襄陽宜城縣東楚州懷王孫心所都秦周孝王封非子居于

秦谷至襄公赴幽王之難以兵助送平王故平王與之

以岐豐之地列為諸侯莊公居大丘文公居汧渭德公

遷于雍獻公遷櫟陽孝公乃遷咸陽秦谷故隴西縣秦亭是也汧渭今隸

隴州大丘今與平縣雍今鳳陽治咸陽今皆為縣隸永興軍虞都虞今平陸縣東吳

都吳即今蘇州號都上陽在鳳翔縣曹都曹即今定陶許都許後遷於

葉又遷于城父又遷于白羽又遷于容城許今許州白羽一名析鄧

州浙川是或云內鄉是容城華容縣是邾都邾今兗州邾城是莒都莒後遷鹽官

故謂之南莒今密州縣紀都紀遷於劇絕本東海即贛榆紀城劇在臨朐縣東壽

光縣西滕都小邾遷于公丘小邾即滕縣公丘今兗州龔丘薛仲虺之都

本在魯地奚仲遷于邳今徐州有薛城是州都淳于後遷垂容

淳于即今高密華容今監利蔡在畿內之地以為蔡叔之采邑至旋

仲改封汝南遷州來則以州來為下蔡汝南為上蔡

上蔡縣西南州來即下蔡縣徐都臨淮今泗臨淮有徐城葛都密寧陵縣故

越都會稽即越州城陳都宛丘今陳州治本大吳之墟南燕都胙胙城隸滑

州遂都乘丘今齊州治譚都譚歷城縣有古譚城管都管鄭州管城是鄆

都鄆新鄭東城有古鄆城戴都戴開丘縣有戴城任都任今濟州有任城宿都無

鹽在鄆州須城東須句都須胸遷於須昌壽昌縣西北有須胸城須昌今鄆州舒城

也顓臾都費沂州費縣有故顓臾城鄆都鄆今祁州承縣東有鄆城向都向

今祁州古向城陽在臨祁縣北蕭都蕭徐州蕭縣頓都南頓今陳州南

頓息都新息今蔡州新息縣沈都平輿在汝陽縣東項都項城項城縣東

北有故隨都隨今隨州鄧都鄧襄陽鄧縣界夔都夔歸州東有故夔子城

北燕都冀

幽州治

邢都襄國

今邢州治

梁都新里

同州下陽

韓

都韓城

在韓城縣南

魏都魏城遷於大梁

今大梁即開封

趙都趙城遷於平棘

趙城今隸晉州平棘縣

邠都邠

武王封季

耿都耿

北有故邠城

部都部

今單州成武有二部城

應都葉

汝州葉縣有故應城

龍門縣南

在河中府

蔣都期思

在光州固始西北

申都申

今信陽軍

呂都呂

蔡州

有古呂國

焦都焦

陝州東北

霍都霍

今晉州有霍邑

楊都楊

洪洞縣東南有故陽城

荀都冀

今河中有冀亭

芮都芮

臨晉縣有芮鄉

賈都賈

蒲城縣有賈城

荀都冀

在絳州西

黎都黎

洛州黎城縣有黎侯故縣

邠都邠

野王縣西有故邠城

今懷州治

周夷狄都附

戎都戎城

陳留濟南縣東南有戎城

夷都夷安

即夷安縣

介都黔陬

諸

相牟都安丘

今密州安丘

萊都黃

登州黃縣有故黃城即萊子國

歷代國都歌

若攷國都地理要書契以前難論究自從太昊伏羲來

歷代國都方可攷伏羲建都還在陳神農都陳徙曲阜

黃帝涿鹿以為都曲阜為都是少昊顓頊帝丘高辛亳

堯平陽舜蒲坂道夏都安邑商都亳仲丁徙囂夏甲紹

還從東者會諸侯平王徙向東都建秦都咸陽關中漢

東漢洛陽後漢益曹魏鄴都以洛換孫吳東晉宋齊梁

與陳六朝都建康西晉後魏洛陽置東魏北齊徙鄴鄉

與陳六朝都建康西晉後魏洛陽置東魏北齊徙鄴鄉

西魏後周隋文帝都建長安至煬皇或如江都或如洛
 還向江都覆所將唐都長安昭徙洛遼平五代金汴梁
 宋都汴徙杭闔廣元立大都自北方
 大明太祖鳳陽起定鼎應天置都位 成祖遷都今順天
 未鎮乾坤億萬世

論帝都

夫地理之大莫先於建都立國稽之古先哲王將營都
 邑罔不度其可居之地以審其吉凶如公劉將居豳也
 其詩曰于胥斯原大王將居岐也其詩曰聿來胥宇武
 王將居鎬京其詩曰宅是鎬京成王將營洛邑書曰召

八既根宅衛文公將營楚其詩曰升虛望楚見於經者
 如此則宅都誠不可不重也雖然子微有云帝王之興
 也以德而不以力其守也以道而不以地堯舜聖人承
 襲授受揖讓相遜亦未必慮及風水之說但聖人之興
 自合造化聖人所動作爲法則風水固不拘而密協于
 龜卜即天造地設之自然者也故易曰王公設險以守
 其國此理固先天地而有即風水之攸始矣今將歷代
 所都錄以補考云

論北龍帝都垣局

北龍有燕山即今 京師也以燕然山脈盡於此故曰

燕山昔燕昭王築黃金臺以招賢者固又稱金臺古冀州地舜分冀東北為幽州故又謂之幽都按丘文莊公大學衍義補云虞夏之時天下分為九州冀州在中國

之北其地最廣舜分冀為幽并營故幽與并營皆冀境

也楊公云燕山最高象天市蓋北幹之正結其龍發崑

崑之中脈

以華夷共視為中脈蓋鴨綠江外有大幹為護矣

綿亘數千里至于

闐歷澣海之玄屈曲出夷入貊又萬餘里始至燕然山

以入中國為燕雲

北京為山前曰燕大同為山後曰雲

復東行數百里起

天壽山乃落平洋方廣千餘里遼東遼西兩枝關截黃

河前達鴨綠後纏而陰恒太行諸山與海中諸島相應

近則樂河潮河桑河易河并諸無名小大夾身數源界

限分明以地理之法論之其龍勢之長垣局之美幹龍

大盡山水大會帶黃河宸天壽鴨綠纏其後碣石鑰其

門最合風水法度又按衍義補云朱子語錄冀都天地

間好個大風水山脈從雲中發來前面黃河環繞泰山

聳左為龍華山聳右為虎嵩山為前案淮南諸山為第

二重案江南五嶺諸山為第三重案故古今建都之地

皆莫過於冀都就朱子所謂風水之說觀之謂無風以

散之有水以界之也冀州之中三面距河處是為平陽

蒲坂乃堯舜建都之地其所分東北之境是為幽州太

行自西來演迤而北綿亘魏晉燕趙之境東而極于醫
 無間重岡疊阜鸞鳳峙而蛟龍走所以護擁而圍繞之
 者不知幾千萬里也形勢全風氣密堪輿家所謂藏風
 聚氣者茲地實有之其東一帶則汪洋大海稍北乃古
 碣石淪入海處稍南則九河既道則歸宿之地浴日月
 而浸乾坤所以界之者又如此其直截而廣大焉按此
 皆以風水之美言之也若以形勝論之則幽燕自管稱
 雄左環滄海右擁太行南襟河濟北枕居庸蘇秦所謂
 天府百二之國杜牧所謂王不得不可為王之地楊文
 敏謂西接太行東臨碣石鉅野亘其南居庸控其北勢
 拔地以崢嶸氣摩空而崩巖又云燕薊內跨中原外控
 朔漠真天下都會桂文襄公謂形勝甲天下泰山帶海
 有金湯之固蓋真定以北至於永平關口不下百十而
 居庸紫荆山海俱關隘喜峰古北黃花鎮俱口險阨尤著
 會通漕運便利天津又通海運誠萬世帝王之都自昔
 之都燕者始於召公諸侯也金元乃夷狄雜氣皆不足
 以當其大惟我

皇明得國之正同乎堯舜拓地之廣過於漢唐功德隆盛
 上足以當天心下足以乘地氣真萬世不拔之洪基而
 議者乃謂北太近胡距塞不二百里無藩籬之固而天

子自爲之守然不知今之四夷北虜爲急倏忽來去邊
備須嚴若畿甸去遠而委守將臣則非居重馭輕之道
故我

成祖文皇帝

睿意建都於此良謨遠猷豈凡愚之所能

及哉然當時未必談及風水之說而默契若此是蓋聖
王之興動自合法而天地造化有自然相符之理耳抑
論堯舜禹三聖之都皆北龍今我

朝家畿甸亦北龍而形勝與夫風水法度又皆邁之宜其
駕唐虞追三代全盛如此是固我列聖之峻德神功

鴻休盛烈之不可及然地理之應亦或然也愚何幸躬

逢其盛

北龍之次有平陽蒲坂安邑亦冀境乃堯舜

禹所都之地按朱子曰河中地形極好乃堯舜禹故都

今晉州河中府是也左右多山黃河遶之嵩河列其前

又曰河東河北皆繞太行山堯舜禹所都皆在太行山

下又曰上黨太行山之極高處平陽蒲坂山之盡頭堯

舜之所都也又曰堯都中原風水極佳右河東太行諸

山相繞海島諸山亦皆相向右河南繞直至泰山湊海

第二重自蜀中出湖南廬山諸山第三重自五嶺至明

越又黑水之類自北纏遶至南海此皆以其大形勢而

言之也宋國師張子微曰河中之地右則西河左則東

河前則南河逾河而爲壺口近河而爲覃懷入河而爲
衡漳三面距河一面背山所背恒山相去甚遠逶迤而
下其平如砥方廣千里夾水之外四面皆有名山巨鎮
迎送護衛但堂局寬濶非凡俗所能檢點若兩腋無水
夾截卽是水不交會大龍如何得住故夾身之左有小
東河右有西恒水南有小南河關截於內而大河經之
龍將焉往其他撓掉手足得無名之水界夾分明者又
不可以數計但眼目難於檢點舉其堂局形勢可想而
知此則以其親切者而言之也是故河中誠亦天地間
一都會而堯舜禹三聖人以道化天下後世罕及雖聖
德巍巍未必係於風水然天造地設自然默契之理有
不可誣者但今河水爲患風水變遷無復可都矣蓋河
源於崑崙星宿海又入地伏流不見其派者凡數百里
禹之所導始於磧石初不曾窮河源也河至於此其勢
橫放衝溢外則涇渭沮之會于渭汭又有伊洛瀍澗汾
潞之會于底柱所泄惟汝泗二流內則淡濟內河滹沱
恒洛從而益之至於九河逆河勢雖遠而逾盛故有河
患非人力之所制者是以河決之患三代已然自漢唐
宋元及今頻年衝決而沿河之民淪於魚鱉况可都乎

論中龍帝都垣局

中龍有關中曰豐曰鎬曰咸陽通安皆今陝西地通曰
關陝古雍州也楊公云關中原是太微垣又曰長安落
在垣宿中蓋中幹之尊也其龍發於崑崙由黑水綿絡
西河橫出始起祖宗轉縈穎澤自西而東盡於雍州宋
國師張子微曰長安之龍起於橫山其山皆黃石綿亘
八百餘里不生草木及至雍州之地涇水出安定在雍
州之西自西而南入渭水而北是爲渭汭水出鳥鼠同
穴而爲雍州之西山至涇水所屬之地則爲北惟此依
山挾水號爲天府之國又曰秦咸陽非長安之正以宮
屬渭跨渭爲飛橋複道以象天闕道而屬阿房如驪山
溫泉又長安之枝龍也長安之下則有岐梁荆諸山爲
托灃涇漆沮河水界限爲衛蔡文節公曰咸陽之地龍
合之玄格左右諸山包護此皆謂其風水之美也若以
形勝言之則婁敬所謂披山帶河四塞爲固張良所謂
左轂函右隴蜀沃野千里南有巴蜀之饒北有胡苑之
利阻三面而守獨以一面東制諸侯乃金城千里天府
之國者是也故史稱關中阻山帶河四塞之險東有函
關西有散關南有武關北有蕭關呂成公亦謂關中是
形勢之地欲據形勢須都關中桂文襄公謂其山河四
塞形勝甲于天下易曰天險不可升地險山川丘陵王

公設險以守其國惟此爲然耳故關陝之地形勝全龍
局美王氣攸萃而文武周公列聖篤生自文王都岐徙
豐武王遷鎬京成王實都于鎬以據天下形勢當西周
全盛時特往來朝諸侯於洛邑至平王避犬戎始遷都
洛陽號曰東周則周日微弱而雍州王氣爲秦得之蓋
秦先世有非子者善畜馬爲周孝王主馬馬大蕃息分
土爲附庸邑之秦歷三世至秦仲始大歷莊襄犬戎殺
周王襄公救周有功封爲諸侯賜以西虜畿內八百里
之地秦卽其地日以強盛兼併天下統一區宇然無功
德肆暴虐不足以當其王氣之大漢興以婁敬王後之

一 漢遂因其故都都之傳十二帝歷二百一十四年其後
一 唐又都之傳一十八帝歷二百六十九年宋人亦嘗議
欲都此而以橫山未入版圖故都大梁以經營橫山蓋
一 橫山當宋時諸戎所依爲戎夏必爭之地不得則不可
一 都故兩丘文莊公曰秦地披山帶河四塞以爲固所謂
一 金城千里天府之國得天下之百一者也周人初起於
一 邠繼都豐鎬天下形勢之地蓋莫有過焉者也至平王
一 東遷而棄其地與秦始大戰國之世山東之國六
一 而秦居其一六者爲縱而獨爲衡焉卒能以少制衆併
一 而有之非獨人力蓋亦地勢也自高帝用婁敬言西都

關中後世言形勝者必歸焉唐起晉陽亦居於斯自宋
人都汴之後王氣消歇者五六百年於今矣詳究文莊
茲論各有所見而議者乃謂漕運不便然不知周與漢
唐各數百年而其儲積豈無其道且禹貢著雍州厥田
惟上上史稱沃壤千里可以儲貯而秦號富疆顧所處
之何如耳大抵雍州非直形勢險固風水融聚為美已
也且其水淺土厚民性質樸易於從化尤為可嘉朱子
曰岐豐之地文王用之以興二南之化如彼其忠且厚
也秦人用之未幾而一變其俗尚氣槩先勇力忘生輕
死悍然有招八州朝同列之氣其故何哉誠以雍州土
厚水深其民重厚質直無鄭衛驕惰浮靡之習以善導
之則易興起而篤於仁義以猛驅之則其強毅果敢之
資亦之以疆兵力農而成富疆之業非山東諸國所及
也後世欲為定都立國之計誠不可不監乎此而於導
民之路尤不可不慎其所之言言事

中龍之次有洛陽即周營洛邑之地也前值伊闕後據
却山左瀍右澗洛水貫其中以象河漢此紫薇垣局也
張子微曰洛邑是飛龍格勢脚手本自分明迎送却從
外假合凡大地迎送皆取諸外而不取諸身所謂本身
脚手一屈曲縈迴輒五六十里或七八十里故人不見

其爲手足况遠外迎送其得見乎此其正夷之地一望無障性審其水源而後識之也然洛居天下之中爲大龍之腹四望平夷近則熊耳居其右西京在其左取諸遠則上洛在其西太華在其東終南惇物在於北內方則在河南周公所以取制天下之中猶腹爲人身都會之所也以水而言則洛水自西而經其前灑澗界其東分潌達其後伊水陳其面最合風水法度但以形勝論之則平夷無險四面受敵故周營洛邑特以宅中圖治道里適均之故乃於此朝會諸侯非建都也按大學衍義陳大猷曰成王實都鎬京特往來朝諸侯祀清廟於洛故鎬京謂之宗周以其爲天下所宗也洛邑謂之成周以周道成於此也洛邑天下之至中豐鎬天下之至險成王於洛邑定鼎以朝諸侯所以承天地中和之氣宅中以蒞四海其示天下也公於鎬京定都以壯基本所以據天下形勢據上游以制六合其慮天下也遠誠哉言也後平王避犬戎徙都於洛則周室日衰馴至不可爲矣漢初高帝亦欲都洛以婁敬張良之言都於關中光武中興始於洛建都謂之東都洛陽却在周都河南又隔伊水有諸水在後而地方之備差完頗爲可取然皆平洋無蔽有德易以王無德易以亡不可用也

故東周都洛而能延數百年之久者誠以文武之德民不忍忘故爾温公歷年圖曰周自平王東遷日以衰微至於戰國又分而為二其土地人民不足以比疆國之大夫然天下猶尊事之以為共主綿綿然久而不絕其故何哉文武之德植本固而發源深也不然以區區數邑處於七暴國之間一日不可存况於數百年乎此確論也

中龍之又其次者有汴梁其龍自熊耳至此平坦萬里天河在其北淮河在其南亦天苑垣也五代梁唐晉周皆都於此而年代不末宋都之傳九帝歷一百六十七

年而南遷臨安是時汴在河之南猶差可取今河水衝

决而在於河之北無復當時風水形勝耳

舊說黃河在開封城北四

十里宋元以來河徙穿淮馴及我朝洪武二十四年河决原武東經開封城北五里又南行至項城經潁川以入淮而黃河故道遂淤正統十三年又决滎陽過開封城之西南而城北之西河又淤自是汴梁城在河之北龍脉經河穿壞形勝亦無河遠可恃不可用也

論南龍帝都垣局

南龍有金陵即今之南畿我太祖高皇帝建都之地

也戰國楚威王時以其地有王氣埋金以鎮之故稱金

陵漢改曰秣陵吳曰建業晉曰建康其形勢前輩與洛

陽同廖氏云建康形勢洛陽同王氣古云鍾蓋紫薇垣

局南幹之盡也。蘇伯衡謂劉廵簡云：金陵地脈自東南
溯長江而西，數百里而止，其止也，蜿蜒磅礴，既翕復張。
一、中脊而下，降為平行，所謂土中。於是乎在西為鷄籠覆
舟諸山，又西為石頭城，而鍾山峙其東。大江迴抱秦淮
玄武湖，左右暎帶，兩淮諸山合沓內向。若委王帛而朝
馬，諸葛孔明謂鍾山龍蟠，石城虎踞，真帝王之都。晉始
皇見金陵有王氣，東遊以壓之。其後三國吳都之，傳四
世。東晉又都之，傳十一世，歷百餘年。南朝宋齊梁陳南
唐皆都之，而年代不永，蓋以其雖合垣局，而垣氣多泄。
故爾楊筠松云：長江環外有三結，垣前水中列垣中已

是帝王都，只是垣城氣多泄是也。若以形勝論之，則江
限南北，古今恃為天險。朱子曰：東南論都，必要都建康
者，以建康正諸方水道所湊，一望則諸要會地都在面
前，有相處。劉誠意伯謂襟帶長江，勢甚險固。桂文襄公
謂金陵江北，則有徐穎二州地，跨中原，瓜連數省，並稱
雄鎮，為藩籬有控扼之勢。江南則有安慶，當長江委流
西控全楚，為江表門戶。按諸君子所論形勝，是誠英雄
用武之地，可以駕馭四方，號令天下，而興王業者。我
太祖高皇帝以之定鼎，良有見也。但以地理家言之，雖合
紫薇垣局，奈垣氣多泄。故成祖文皇帝再建燕京，為

萬世不拔之基豈偶然哉蓋天眷

皇明故 二祖動即合法而初非有意於地理之說耳

南龍之次有臨安今浙江杭州府其龍脉自天目山分入錢塘

一而海門有龍赭二山在其中郭景純記云天目山前兩

乳長龍飛鳳舞到錢塘海門更點吳峰起五百年間出

帝王經云海門環合似天市天目天池生侍衛萬里飛

來垣外挹海外諸峰補垣氣廖氏云大江以南天目峙

海門似天市故臨安亦天市垣耳若以形勝論之則僻

處一隅爾朱子謂如入屋角房中坐視外面殊不相應

宋高宗南遷建都於此其上相京畿國師吾邑傅公伯

道也 有臨安行在表謂其地只可駐蹕不宜建都不過

偏安之地且主奸相弄權武臣多咎後宋竟未能恢復

而奸相如秦檜賈似道諸人不出皆操弄國柄武臣多不善其終果符傅公之言

古今都會總論

班孟堅著漢史叙列國之地各有都會蓋謂其財貨之

所阜水陸之所湊山河之所襟帶足以指臂四域冠履

一方而獨隆者也夫土地腴脊道里遠近山川夷險皆

一定而不可易者則名都要會之所宜古今之所同也

然而興廢隨時升降不一郡方都會代有不同前王之

所升者或後王之所廢今之所重者乃古之所輕如宋

北京古之元城縣也西漢時已有元城縣應邵以為即魏公子元之食邑自有書

契以來逮夫隋唐之交兩河變故實多其王霸之所重

督帥之所治戰爭守城不免前史載之詳矣初未聞所

謂元城者當時河朔都會代有其所或稱濮陽宋朝開德府即

古之帝丘焉乃高王及昆吾代之墟春秋魏國常遷於此或稱朝歌宋朝衛州黎陽縣鎮南自武丁

已後至紂都之周或稱邯鄲宋朝磁州邯鄲縣戰或稱

襄國宋朝邢州即漢襄國縣也西楚常山王張耳後趙

石勒皆都之春秋時謂之夷儀即邢所遷也古謂

之邢商帝祖乙或稱鄴城宋朝相州臨朝縣之鄴鎮商

遷於邢即此也或稱中山宋朝定州戰國時中山國斯六城者

魏北齊皆都之或稱中山都後燕慕容垂亦都之斯六城者

訖然據趙代之間古今更相倚以為重豈元城之足云

哉李唐之季魏州始稍隆重更五代至于宋朝形勢益

壯遂建上京而歷代所稱六城者反蔑然無聞矣夫鄴

城一地也而始建為都又降而為州後周降為州相又降而為

縣後周又移州為安陽縣降而為鎮宋朝熙寧中省鄴縣為鎮入臨漳縣何其前重

而後輕也元城亦一地也始建而為縣又升而為郡曹

就置武又升而為州後周就又升而為府唐升為大又

升而為京宋朝慶曆二年升為北京何其前輕而後重也夫土壤腴

壅山川夷險古今不殊而前後重輕若此是不無其說

也易曰田園之蕪治城池之脩廢民物之聚散甲兵之利鈍風俗之美惡皆在人事如何耳此非地利所能移

曰許宋朝穎昌府之許昌縣魏太祖奉漢獻帝都于此
曰鄴注已見前曰公安蜀先主初治于此曰成帝宋朝
 成都府蜀王李特譙縱皆都于此曰武昌宋朝鄂州吳
 國孫權完都于此曰秣陵宋朝建康府吳晉宋齊梁陳
 皆都之曰洛陽宋朝西京曹魏皆都之曰平陽後漢劉
 聰都之曰襄國後趙都之曰廣固宋朝青州益都縣南
 燕都之曰中山宋朝定州後燕都之曰江陵宋朝荆南
 府元都都之曰統萬宋朝夏周赫連夏都之曰平城宋
 朝雲中府拓拔魏都之曰柳城宋朝
 朝營州前燕後燕北燕皆都之
 至隋唐五季之時為

王霸僭竊之都者總六城而已

魏鄭隋唐後漢石晉皆都之洛陽隋唐皆都長

安前蜀後蜀皆都成都偽燕遼國皆都之

吳南唐皆都建康偽梁南平皆都江陵

唐去宋為甚
 近也而唐時三都存于宋朝者一而已東都洛陽是也
 其西都則降為京兆府其北都則廢為平定軍而宋朝
 因京因於唐者一而已東都洛陽是也餘三京則皆當

時之郡治耳夫以數十年之間其興廢之驟也如此矧
 以悠悠往古而較於今是必有大不相侔者矣夫然後知
 地無常重亦無常輕挈其輕重之權者在斯民而已民
 無常重亦無常輕挈其輕重之權者在故理而已觀姬
 周以前帝王之作莫不更都三河之間未始有宅西土
 者也爰自后稷居邠太王居岐文王都豐武王都鎬而
 關中浸以休息自後雍土常為王霸之都則以后稷之
 稼穡太王之遷豳文王之子來武王之未定有以臻此
 之盛也自周至唐洛陽為帝居垂二千載矣而代宗遭
 吐蕃之亂徬徨陝服欲東遷洛陽而郭子儀以為東都

國書紀 卷三十一
乘大亂之餘，餘千里蕭條，百遭荒榛，其何以備萬乘供百官井舍？代宗遂西還，而不復倚洛陽爲重。由是觀之，則班史都會之論，特可施之一時，而不可施之萬世也。若欲隆上都而觀萬方，峙都府以制四履，則要當以政事爲先，豈以古爲泥哉？

天下各國形勝

中國之城，左濱海，右通流沙，方而言之，萬五千里。堯別九州，舜爲十二，秦前有藍田之鎮，後有胡死之塞。左崑崙，右隴蜀，西通流沙，險阻之國也。蜀漢之士，與秦同城，南跨印笮，北阻褒斜，西即隈礙，隔以劍閣，窮險極峻，備

守之國也。周在中樞，西阻峭谷，東望荆山，南面少室，北有太嶽，三河之分，雷風所起，四險之國也。魏前枕黃河，北漳水，贍王屋，望梁山，有藍田之寶，浮地之淵，趙東臨九州，西瞻恒嶽，有沃瀑之流，飛壺井陘之險。至於潁陽，涿鹿之野，燕却背沙漠，進臨易水，西至君都，東至於遼，長蛇帶塞，險陸相乘也。齊南有長城，巨防陽關之險，北有河濟，足以爲固，越海而東，通于九夷，西界岱嶽，配林之險，阪固之國也。魯前有淮水，後有岱嶽，蒙羽之向，洙泗之流，大野廣土，曲阜泥丘，宋北有泗水，南迄睢渦，有孟諸之澤，碭山之塞也。楚後背方城，前及衡嶽，左則彭

蠡右則九疑有江漢之流實險阻之國也南越之國與
楚爲鄰五嶺已前至于南海負海之邦交趾之士謂之
南裔吳左洞庭右彭蠡後濱長江南至豫章水戒險阻
之國也東越通海處南北尾閭之間三江流入南海通
東治山高海深險絕之國也衛南跨于河北得洪水南
過漢上右通魯澤右指黎山

